

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Pontani De Immanitate

Pontano, Giovanni Gioviano

[S.l.], 1519

Immanitatem ab iniusticia proficisci: necnon aliquando a nimio rereum
futurarum metu

[urn:nbn:de:bsz:31-270824](https://nbn-resolving.org/urn:nbn:de:bsz:31-270824)

ligula Prasinæ studeret, vt tradit Suetonius. Idem Seneca
meminit de ira. 3.

Carnuleius. Alij Carnulium legunt, apud Sueton. ca. 61. Carnulius

Me euasit. Hoc ideo Caligulam dixisse scribit interpres Bo
noniensis, tanq̄ Carnulius sibi mortem consciscens nimis cito Me euasit
cruciatu & tormenta finisset, quæ per lentitudinem & longā
moram solitus erat truculentus princeps adhibere ijs quos diu
mori volebat.

Immanitatem ab iniusticia proficisci :

necnon aliquando a nimio re

rum futurarum metu,

MAnare autem immanitatem ab iniusticia
potissimū: e fonte quasi quodam: ea quæ
a nobis dicta sunt: aperte quidem docent
Quid enim iniustius q̄ erga deum ingratitude
vū: erga patriam impotentia: erga parentes: filios:
os: cognatos: amicos impietate: crudelitate: san-
guinolentia: inconstanti ac fluxa fide erga eos: qui
publicam rem administrant: & cui iure iurando
lis obstrictus: Sed quoniam (vt dixi) immanes sin-
guli immanitatem ipsam minime ex omni sunt
parte complexi: ad alias quoq; actiones transeamus.
Nam & ab ijs qui prudentes ac fortes pariter videri: atq; haberi volunt: declinari ad feritatem non rareret: res ipsæ hominum docent. Aegyptios enim traditum est reges consuesse per Mathematici
thematicos genituras eorum: qui in lucem venirent: explorare: quæ si aduersari regum ipsorum Genitura
genituris essent compertæ: e uestigio nati illi oc-

De Immanitate.

Herodes

ci debantur. Oprouidentiam errorum plenam ac
superstitionū: ne tetram dicam ac detestabilem.
Quo e genere foedissima est Herodis illa Iudæo-
rum regis in tot infantes puerosq; carnificina: cu-
ius suspiciolissima vita: moresq; variantissimi: dū
omnia pauet: cuncta formidat: eo illum adegere:
vt in filios innocentissimos: in vxorem etiam ma-
xime amatam efferbuerit. Hinc tyrannorum tam
efferata crudelitas: nam dum p̄spicere rebus suis
volunt: dum prudentiam magis aut effingunt: aut
ostentant: q̄ sequuntur: efficiuntur imprudentissi-
mi. Quid enim imprudentius: q̄ quæ res admini-
strari debeat per humanitatem: beneuolentiam:
mansuetudinem: popularitatemq;: eam velle re-
gere: per superbiam: crudelitatem: iniusta impe-
ria: graues coerciones: sauiissimosq; cruciatus ac
pœnas: quæ quidem via est ad postremā quam-
q; immanitatem. Nero ille quem iure immanissi-
mum vocitarunt: ne de alijs loquar ciuibus: Do-
mitium Corbulonem: innocentissimum senato-
rem: solertissimum ac scelicissimum ducem: for-
tissimum ciuem Romanum: quicq; Parthorum au-
toritatem maxime fregisset: attriussitq; super-
biam: per fraudem occidi iussit: dum illius virtutes
suspectas habet: quas & magnificari ab eo par fu-
isset: & ob maiestatem Romani imperij magis ac
magis euehi: atq; illustrari.

Domitius
Corbulo

SCHOLIA.

- Ægyptios traditum est.** De quibus plura Herodotus Dionysius Strabo & fere omnes rerum scriptores.
- Gellius Tacitus** **Mathematicos.** Sic enim se antiquitus vocabant astrologi, qui & Genethliaci, aduersus quos olim Phauorinus philosophus apud A. Gellium illustri oratione disseruit, de quibus non minus scire quæ vere Tacitus in. 17, Genus hominū, inquit, potentibus infidum, sperantibus fallax, quod in ciuitate nostra & vetabitur semper & retinebitur. Eodem autem de Mathematicis Italia pellendis, sub Claudio factum Senatus consultum atrox & irritum.
- Rhodiginus** **Genituras.** Geneses & vt nunc dicunt natiuitates circa quas tria impense obseruant, quæ Cælius libro. 7. c. 10. diligenter adnotauit.
- Picus** **Prouidentiam errorum plenam.** Quid chaldeos Ægyptios in hanc opinionem induxerit fieri fato res humanas & de stellis posse prouideri, Picus senior lib. 12. ca. 3. tradit.
- Rocero.** **Herodis.** Hic Herodis filius frater fuit Archelai, quo Lugdunum legato per Tiberium Cæsarem, substitutus est in regnum frater eius Herodes, a quo fuit irrisus Christus. Annotatio Erasmica.
- Tacitus Suetoni⁹ Plinius** **De alijs.** Nullum enim adhibuit delectum aut modum interrimendi quoscunq; libuisset quacunq; de causa quorum nomina apud Tacitum & Tranquillum referuntur, Plinius quoque autor est, vno conuiuio interemptos esse cunctos conuiuas suis fungis, quod genus venenis est accommodatissimū. Exitus vero occisorum aut relegatorum a Nerone C. Fannius, vt Secundus ad Maximum scribens testatur lib. 5. inchoauit, tribus libris duntaxat absolutis, immatura morte præuentus.
- Plinius** **Corbulonem.** Huius Tacitus meminit. Frontinus item Plinius & cæteri historiarum Romanarum scriptores.
- Appian⁹** **Parthorum.** Lege Appianum in libro qui Parthicus inscribitur. Idem autor est, Parthos decem & octo prælijs a Romanis fuisse superatos.

Mathematici
Genethliaci

Fungi
C. Fannius

Corbulo